

四庫全書

史部

欽定四庫全書

史部

浙江通志卷二百二十八

詳校官給事中臣戴璐

檢討臣德生覆勘

總校官編修臣倉聖脉

校對官中書臣石鴻緒

謄錄貢生臣戈廷模

欽定四庫全書

浙江通志卷二百二十七

寺觀二

仁和縣

城外
寺觀

勅賜圓照寺 在天開河

國朝順治年間臨濟正宗茆溪森開山

世祖章皇帝賜名圓照寺後森歸隱華嚴菴圓寂建塏寺

內

雍正十一年奉

勅追封明道正覺禪師設立牌位供奉塋院奉

旨動帑重修十二年

御書法輪弘轉扁額

報國寺 武林梵志在鳳凰山麓即南宋垂拱殿基

仁和縣志按胡僧揚理真伽即宋故內建五寺曰興元曰報國曰般若曰小仙林曰尊勝今止存報國一寺尊勝舊址改為法華菴餘俱不存元至元十一年賜額禪宗大

報國寺妙濟禪師開山延祐六年燬僧大新重建

元末燬明洪武二十四年立為叢林萬曆丙午僧

海音新葺

梵天講寺 嘉靖浙江通志在鳳凰山西湖遊覽志

宋乾德中吳越王建名南塢

吳越備史錢武肅王於明州育王寺迎釋

迦舍利建塢於城南

治平中改今額元元統中燬明永樂十

五年重建內有石塢二靈鰻井金井

釋守詮梵天寺晚歸詩落

日寒蟬鳴獨歸林下寺柴扉夜未掩片月隨雲屨

惟聞犬吠聲人入青蘿去蘇軾梵天寺見僧守詮

小詩清婉可愛次韻詩但聞煙外鐘不見煙中寺

幽人行未已草露溼芒屨惟應山頭月夜夜照來

去朱子梵天寺觀雨詩持身乏古節寸祿久棲遲
覽寄靈山寺空吟招隱詩讀書清磬外看雨暮鐘
時漸喜涼秋近
滄洲去有期

勝果禪寺 武林舊事在包家山勝果寺志隋開皇

二年建唐無著禪師重興宋慶厯中郡守鄭戩奏

賜額曰崇聖仁和縣志元至正間重建明永樂十

五年復建

釋處默至勝果寺詩路自中峯上盤迴
出薜蘿到江吳地盡隔岸越山多古木

叢青靄遙天浸白波下方城郭近鐘磬襟笙歌王
安石遊勝果寺詩登高見山水身在水中央下視
樓臺處空多樹木蒼浮雲連海氣落日動湖光偶
坐吹橫笛殘聲入富陽王守仁移居勝果寺詩江

上但知山色好峯迴始見寺門開半空虛閣有雲
住六月深松無暑來病肺正思移枕簟洗心無得
遠塵埃富春咫尺煙濤外時倚層霞望釣臺朱朴
勝果寺詩下界聞鐘梵中峯隱薜蘿海門朝日近
沙市暮帆多鳳去山空老龍蟠井
不波宋家宮樹在啼鳥學笙歌

福田慶壽寺 萬厯杭州府志在候潮門外羅木橋

宋寶祐二年徐路鈐捨宅建寺請福田額元至正
間燬泰定間重建復請額加慶壽二字武林梵志

明洪武二十四年立為叢林

蔡充宗福田寺詩江
村開佛地樓閣倚清

暉響近風生海陰森竹覆扉慈航能載客
海暑不蒸衣疎雨隨秋至殘蟬已息機

定香寺 武林梵志在艮山門外宋乾德四年建於
西湖定香橋名香積院治平二年改今額寶慶間
建旌德觀移建今所

香積寺 萬歷杭州府志在江漲橋北宋太平興國
三年柯氏捨宅為寺舊名興福大中祥符間改今

名仁和縣志元末燬明洪武辛亥重建為叢林

武林

梵志香積寺門臨官河帆檣往來者日百千計乘
燭猶喧一徑蜿蜒茂林蔭密隱然城市異數也

佛日淨慧寺 嘉靖仁和縣志在城東北五十里黃

鶴山之陰石晉天福七年吳越王建號佛日院宋

大中祥符元年改今額

周必大奏事錄寺有清冷一擊等軒庫堂後有池

中有渥洼泉出石罅中堂上有蘇軾熙寧七年八月送陳述古赴南京時留題真蹟仁和縣

志寺久廢明萬厯間雲棲金臺掄法師重建

蘇軾宿佛

日榮長老方丈詩陶令思歸久未成遠公不出但聞名山中只有蒼髯叟數里蕭蕭管送迎日射西廊午枕明水沉燒盡碧烟橫山人

睡覺無人見惟有飛蚊遠鬢鳴

崇先顯孝華嚴教寺 武林梵志在皋亭山之陽宋

紹興十九年建二十八年賜崇先顯孝禪寺額寧

宗改禪為教御書臯亭山三字及崇先顯孝華嚴
教寺八字以賜元末燬明洪武十二年重建仁和
縣志歲久傾廢萬厯間雪松法師重新

國朝順治丙申僧覺浪住持重興大殿

崇聖院 崇聖紀事在鳳凰山之東

一名殷巷

創始於

吳越王宋淳熙間更為親藩香火歷元至明古風

行素二上人更新之

院有竹千餘竿獨一莖秀出
人呼為竹尊者釋覺範竹尊

者詩高節長身老不枯平生風骨自清癯愛君修
竹為尊者却笑寒松作大夫未見同象未上虛空

餘聽法石於菟戲將秋色
供齋鉢抹月批風得飽無

永慶禪寺 武林梵志在黃鶴山之陽今稱龍居灣

唐清泰間建元燬明萬厯間僧如艮等就故址構

禪堂殿宇前有沼後有泉方伯吳公書永慶禪林

額李流芳宿永慶禪院詩二首歸裝出西湖間道
向黃鶴屢憇桐塢期偶遂龍居諾輕舟凌晨風

遙山滿晴郭丹林尚可數寒條紛無托披松指微
徑聽水捫暗壑新構爭遠勢平臺攬搖落霜後山

容淺天清海氣薄暫憩塵勞心始知寂靜樂每多
方外遊見僧即如故燈明一龕下夜深恆深晤不

知山月上千林已流素出門尋舊溪愛踏松影路
氣和空宇澄寒魄如春露去寺不數武四鴈驚莽

五幽泉洗我心
微鐘杳然度

化度寺

神州古史攷在江漲橋梁天監間朱异捨

宅為寺名衆安隋改衆善唐改重雲再改承雲仁
和縣志宋治平二年改今額元至元間兵燹至正
間僧若金重建

安隱寺

咸淳臨安志在臨平山之南後唐清泰元

年吳越王建舊名安平或謂安平以前又名永興

寺外有石幢錫云
永興寺前建瑞

宋治平二年改今額

地生曲竹
僧多取以

為杖故老相傳唐邱隱上丹成羽化植杖於此其竹皆曲竹間有丹井井旁有池名安平泉極甘冽

仁和縣志元至正末燬隨建明洪武二十四年立

為叢林永樂初重建

張丹過安隱寺詩古剎松嵐下相攜一徑清山鐘雲裏斷

庭鳥竹間鳴落木猶春色晴溪帶雨聲不須頻禮佛吾意得無生

承天宮 成化杭州府志在城北三十里赤岸宋嘉泰中建寧宗御書承天宮三字為額

海寧縣

安國寺 嘉靖浙江通志在縣治西

俗名武林梵志北寺

唐開元二年建名鎮國海昌院會昌五年廢大中

四年復置名齊豐宋大中祥符元年改今額寺有

大悲閣

蘇軾大悲閣記杭州鹽官安國寺僧居則自九歲出家十年而得惡疾垂死自誓於

佛願持律終身且造千手服觀世音像而誦其名千萬聲病已而力不給則縮衣節食三十餘年錄積寸象以迄於成其高數仞為大屋四重以居之而求文以為記予喜則之勤苦從事於有為焉志守節老而不衰興夫為大言以欺佛者故為之記安國寺志寺有禪門大師瑤藏齊安國師真身舍利塔前有雙檜蘇軾詩當年雙檜是雙童後為朱勔移去宋理宗御書妙智之

閣賜之元至正元年重建海寧縣志明洪武八年

真价建雲堂十一年至大建懺堂三十年惠燈拓
大殿為四天王殿永樂十三年似葵建三解脫門
天順間大殿燬弘治元年宗遠文寧重建殿後甃
石為九蓮池萬厯間真慈改妙智閣為千手眼觀
音殿改西方池為藏經閣崇禎甲戌鐘樓不戒於
火丁丑受汰重建

國朝康熙六年里人張行極倡緣買隙地構屋四十餘
楹供奉五百羅漢寺為寧邑叢林之首凡雨暘祈

禱祝

聖習儀皆在於是稱海上第一名山云

延恩寺

杭州府志在縣西北二百六十步

俗名舊西寺

為安國寺藏院海寧縣志宋建炎四年建寺元祐

四年勅賜今額明洪武二十四年立成叢林

釋晦山延

恩寺詩名藍何代昉屬自古鹽官此日分齋鼓當年共刺竿堂標龍藏遠樹映蟬峯寒喜得門前水

重開一鏡看

國朝康熙八年僧岳教等募修

金佛寺 武林梵志在縣西松林舖東宋紹興年間

建名上乘院乾道間改今額元末燬重建海寧縣

志明洪武二十四年立成叢林

吳本泰重遊金佛寺詩草沒禪宮路

不分上方仙梵若為間僧曾識面惟留影樹可齊
眉已拂雲薜碣半欹燭補篆風箏不語鳥呼羣友
生話舊渾如夢落
盡棠梨又夕曛

覺王寺 海寧縣志在縣西北長安鎮唐長興四年

建舊名正覺宋治平二年改今額元末兵燬明洪

武初重建二十四年立成叢林

僧惟肅覺王結大界碑記浙西抗為巨藩

欽定四庫全書

卷二百二十七

鹽官為杭所屬之邑長安復為鹽官所屬之鎮覺王寺在鎮之西始乎李唐有正覺寺名建錢氏之世屋宇墮廢但存增基蓮花幢石尊像而已是時文穆王為太史令公判府事有邑民盛珣吳迺者具狀陳乞欲就舊址重建藍宇公從其請實寶正六年十月也至宋治平二年改賜今額自寶正距今元豐九年一百五十有七載矣雖山門佛殿法堂方丈僧房廊宇悉備惟大界未結尚存自然之地是猶基址不築欲棟宇安立其可得乎予嘉祐庚子歲為主僧惠嵩請居方丈尸講席凡十載未嘗一日不思結界焉無何以師老邦歸因而弗果越十五年又為主僧智淵敦勉復來方丈繇是準毘尼秉羯磨立標相以結之即元豐丙辰歲正月十一日也噫予之往來此寺也二紀有餘矣攷手再創僅二百年而結界之務今纔成辦乃知劫火不壞之法豈偶然而得行與

太平廣福寺 成化杭州府志在縣東黃岡市唐齊

安寺基宋建隆中有僧結茅棲止歷四十年乾德

二年額曰太平菴熙寧元年賜今額明洪武二十

四年立成叢林海寧縣志明末漸圯台宗法師靈

聞重開方丈像飾一新

寺有老栢半枯蒼枝古幹唐宋間遺植也

崇惠寺 硤川志在縣東北硤石紫薇山東麓俗稱

北寺元至大間僧西巖建明洪武十八年增建法

堂二十四年立成叢林永樂初海鹽大理少卿朱

逢吉為記

惠力寺 萬歷杭州府志在縣東北硤石紫薇山下

硤川志畧東晉寧康間尚書張延光捨宅建初名

志願唐乾元元年勅支本縣稅錢修飭唐末燬宋

乾德二年營將吳仁受捐資復建大中祥符二年

賜額惠力寺宋季又燬重建於元至正二年明洪

武二十四年拓為叢林嘉靖三十七年僧惠銘仍

庀材鳩葺

周肇引惠力寺詩候晨入古寺山色靄微茫巒峯蔭喬木清樾生夏涼老僧閑

客到掃徑開松堂治廚接櫟溜烹茗蕪蕨香啣花
想鹿女獻果擬雁王假捐倚空翠流夢聞松篁竹
風何泠泠吹潤滿衣裳樂
此清供因不知山日長

崇教寺 海寧縣志在縣東北妙果山前五代長興
二年建梁江州刺史戚袞夫人捨園為寺宋末廢
元至順四年重修明洪武二十四年立成叢林

西山廣福院 武林梵志在縣東北硤石紫微山頂
宋天禧五年邑人宋坦捨宅建熙寧元年賜壽聖
額隆興元年改今額兵燹元大德間重建

硤川志
寺有宋

李肩白碑記趙子昂篆額殿外東南隅有鐘委地
青翠斑駁古色照人唐時物也今作亭懸之章孝
標西山廣福院詩野寺孤峯上危樓翠微捲簾
滄海近洗鉢白雲飛竹影臨經案松花點衲衣日
斜登望處湖院後舊有五顯祠
畔一僧歸

國朝康熙二十三年改為文昌殿雍正八年重修里人
於廣福院前建魁星閣懸崖疊石攘桷凌虛俯瞰
南湖澄泓如鏡遠眺海上諸山環列几席洵硤川
之大觀也

碧雲寺 硤川志在沈山東北鉢盂嶺下竹樹森密

泉石幽峭舊多合抱大樹三伏如清秋也唐大曆
三年俱胝禪師開山創元末燬明洪武二年僧懷
宗建殿宇齋堂萬厯四十四年僧雲浪重建佛殿
僧寮拓為叢林雄壯修潔遂擅一方蘭若之勝崇
禎八年僧通秀建藏經閣於俱胝巖下

朱朴宿碧雲寺詩

影蕭蕭夕照閒碧雲黃葉滿秋山空堂夜冷無燈
火惟有貧僧乞米還揚汝允碧雲寺詩何年卓錫
寄遐踪巖壑迴看紫翠重地僻故應無暑到林深
當自有雲封千山夜雨聞飛瀑半壁朝陰翳古松
已覺人天坐超忽
況餘清籟度疎鐘

國朝順治間僧漢文募建併禪堂僧寮俱新之

真如寺 萬厯杭州府志在縣東黃灣菩提山東晉

干寶捨宅為寺周顯德二年建輪藏武林梵志宋

治平二年賜今額海寧縣志明洪武二十四年立

成叢林

張九成遊南路菩提山寺次刁文叔韻詩
高僧超物外有戶畫常扁海濶如天大泉

甘識地靈一簾春月靜數點越
山青便卜歸與計移文休勒銘

智標塢院 硤川志在東山絕頂宋僧智標建故名

下有塢院明嘉靖間燬萬厯四十三年蜀僧瑞林

募修

唐俞益智標璫詩古璫盤空山天風吹髣寒

生羽翰雲深徒極目何處是長安蒲氏章登沈山

智標璫詩浩劫凌虛上鴻濛足遠搜空明金作界

竊窺玉為樓簷挂扶桑樹門迎採藥舟石幢飄紫

鳳繡栢卧蒼虬法雨晴中落空香象外浮越臺分

北望秦節駐南游一氣環三島諸天

近十洲奮飛珠樹隔身是一沙鷗

國朝康熙三十五年黃灣僧弘通感潮音而至矢志復

修雍正八年里中士民捐助重建

奉真道院 海寧縣志在縣西北二百五十步元至

元二十九年建趙學士孟頫題額明末燬邑光祿

卿葛徵奇建復燬

國朝順治戊子本院提點朱勝祖捐產張文燿倡緣重建

南山道院 杭州府志在沈山南麓宋景祐間建舊

有翠雲亭海寧縣志殿後有玉宸閣

陳用翠雲亭詩山川無處

問丹砂因過仙人海上家燕子不來寒食盡一簾疎雨又梨花

國朝順治十七年燬康熙元年重建

富陽縣

慈修護聖禪寺 嘉靖浙江通志在縣治西近江潮

汐可觀往來者多游息焉武林梵志唐大中間建

名保寧元至順間改今額元末燬明洪武元年重

建富陽縣志二十四年立成叢林永樂十三年僧

會欽拓地重建佛殿法堂華嚴閣鮮于伯機書額崇禎時

僧普亮復募建佛殿佛像一新楊維禎慈修寺華嚴閣詩

倚層霄布地黃金歲月逸學士題說法雨花飄天開山色千年畫風送江聲萬里潮

到此凭闌凝睇久獨能無意伴漁樵

偃松寺 武林梵志在縣西南馴雉村宋嘉泰四年
建前有大松盤護因名元末燬惟殿宇及法堂存
富陽縣志明洪武十一年僧真初重建二十四年
立成叢林

國朝順治六年僧普潤重立大殿兼塑諸佛相

永樂吉祥寺 名勝志在小隱山上富陽縣志唐大
中年間烏窠禪師建明洪武二十四年併入偃松
寺後毀萬厯四十七年僧融通出家捨宅為寺復

舊名曰吉祥明末燬

吳萊吉祥寺詩一昔逢寒食行吟採物華風生敲檻竹雨

溼隨船花曲隄青龍樹長灘白鷺沙回看江上水直去到君家

國朝順治初僧圓濟重建

能仁寺 武林梵志在縣西南太寺村後唐天成元

年建名雲霄院宋咸淳元年請今額元至正丙申

兵燹明洪武初重建富陽縣志二十四年立成叢林

國朝順治五年僧如樟良潤重建

法相寺 富陽縣志在縣東南麗景村舊名報恩

唐咸通十二年符禪師建宋大中祥符元年賜今
額明洪武二十四年立成叢林內有玉泉亭舍潤
軒富春三十六寺此為最勝永樂十四年燬宣德

八年雪島師重建

葉士彥法相寺虛舟亭詩道人
亭子號虛舟身與乾坤日夜浮

高檻倚空山疊浪小池承溜雨生漚漁歌響答穿
蓬戶晚飯經行憶舵樓茶竈筆牀安榻畔江湖長
任散人遊

淨居寺 成化杭州府志在縣南大源村石晉天福

八年建名淨福宋治平二年改今額宋末燬元至

順間重建明洪武二十四年立成叢林

大雄寺 杭州府志在縣西南五十里十國春秋後
唐長興三年吳越丞相許明捨富春宅為寺名曰
許明寺富陽縣志宋治平二年改今額元末燬明
洪武初重建二十四年立成叢林崇禎十三年僧
如奎重建

國朝順治十六年僧渭然復興

真寂寺 成化杭州府志在縣東南靈峯村宋紹興

六年建元末燬明洪武初重建富陽縣志二十四

年立成叢林正統四年邑人趙晨重修崇禎十七

年傾圮

介膺游真寂寺詩平地湧招提諸峯自迴護石壁聽泉流溪橋見僧度松檜千年姿

不受冰霜妬花卉四時春穀有神靈助景物良可嘉徘徊屢忘暮賢哉支許儔因之重懷慕

國朝康熙五年僧正輝重建

妙智寺 萬厯杭州府志在縣西南善政村永安山

之陽唐太和元年僧會遇建舊名驪峯錢武肅王

時改名永安宋大中祥符元年改今額宣和間燬

建炎四年邑人提刑李軌施財新之富陽縣志明
洪武二十四年立成叢林崇禎時僧道奎重加修葺

淨因院 富陽縣志在縣東春明村舊名雲峰宋太

平興國二年建治平二年賜額明末燬

蘇軾淨因院竹軒詩

前軒有竹百餘竿節節渾如玳瑁斑
雨過風清談般若琅玕瑟域半空寒

國朝康熙初年僧雲臺聖一重修

寶林院 富陽縣志在縣西南儀鳳村宋大中祥符

四年大德禪師建舊名雙林治平二年改今額院
有香巖閣可賦軒明洪武中併能仁寺已而復舊

范成大寶林寺可賦軒詩十里江聲禪寺聲道旁
無處濯塵纓寶林寺裏逢修竹方有詩情約畧生

國朝順治十八年僧普戒重修

崇親思孝宮 萬厯杭州府志在縣南三十五里初
於大源山建崇壽殿宋紹熙二年有旨崇奉本命
嘉泰元年勅改

餘杭縣

徑山興聖萬壽禪寺 徑山志在縣西北五十里乃
天目之東北峰唐代宗時僧法欽結菴於此永泰
中有白衣士來求度為沙彌欽即剃度名崇惠後
如長安與方士競法既勝代宗問其師承曰臣師
徑山僧法欽召赴闕賜號國一禪師逾年辭歸詔
杭州即其菴建寺曰徑山乾符六年改為乾符鎮
國院宋大中祥符六年改賜承天禪院政和七年
改徑山能仁禪寺開禧間孝宗御書額賜徑山興

聖萬壽禪寺

吳泳興聖萬壽禪寺記自東天目熊騰馬奔凌深拔峭發越而為梵釋之

宮者徑山也國一禪師卓錫於此興廢逮今蓋四百餘年矣先是慶元己未冬龍王殿災精廬佛宇一夕而燼僧元聰治故而復新之後三十五年夏再燬無準範師以精進心轉不退輪以勇健力搥無畏鼓度材於山視昔所植可以為椽為梁為杗為桷者適飽厥用則鳩工聚糧命幹力之僧相其役一念纔起諸天響合上方頒賚甚渥公卿士大夫樂施捨南國之好善者不祈而助貨不命而助力越三年告成殿由宋迄元為禪林之冠元末兵堂樓觀靡不畢具

燬明洪武間重建

范成大題徑山寺樓詩落日蒼茫水捫星縹緲樓神光來燭夜

壽木不知秋海內五峰秀天涯雙徑遊愛山吾欲住衰病懶乘流

永安寺 武林梵志在縣東南二里元至元元年建
至正二十四年燬明洪武元年重建餘杭縣志二
十四年立成叢林

法喜寺 名勝志在縣東半里舊名吉祥院餘杭縣
志唐光化二年僧清辯開山宋大中祥符八年改
今額紹興五年徙學於此以舊學基為院元至正
末燬明洪武元年僧自能重建二十四年併永安
寺嘉靖三十年教諭李鵬舉太守孫環山以堪輿

說復舊基還今址為法喜寺萬厯間圯知縣戴日
強以此寺為習儀祝聖之所重建殿宇一新

王安石法

喜寺詩門前百道水縈迴門外青莎間綠苔雜樹
遶花鶯引去壞簷無幕燕歸來寂寥誰共尊前酒
半落空留案上杯我憶故鄉
歸未得可憐啼鵲重相催

南山普寧禪寺 萬厯杭州府志在縣東北常熟鄉

宋白雲通教大師創菴以居紹興間改菴為院曰
傳燈又改普安淳熙七年改今額元末燬明洪武
三年重建

顯聖寺 咸淳臨安志在縣東南二里舊名白塢院

宋開寶四年建治平二年改今額餘杭縣志明洪

武二年重建二十四年併永安寺萬厯三十年僧

立齋重建

范仲淹過餘杭白塢寺詩登臨溪上寺遷客獨依依遠水欲無際孤舟曾未歸

亂峰藏好處幽鷺得閒飛多少天真趣遙心結翠微

慈聖寺 成化杭州府志在縣東北常熟鄉名靈嶽

肇於唐

歐陽詢靈嶽寺記杭州餘杭縣西北有鎮曰曹橋鎮走北十里得精舍曰靈嶽建武

二年周門越王無諸十二代孫搖氏捨宅之所建也五代天成元年復建宋

治平二年改今額元至正末燬明洪武年間重建
化城接待寺 徑山志宋嘉定間徑山住持可宣創

建八年欽奉御書特賜可宣佛日禪師并書化城

二大字賜充接待院元初重建至正末兵燬明洪

武年僧慧寬重建

徐渭化城寺詩方引主人輅轉為山寺嬉門深當水盡路曲入

松移破鐸搖簷鵲寒萍蔽沼
龜過溪無虎嘯枉送遠禪師

光孝寺 武林梵志在閑林東扇一圖

陶望齡光孝寺碑記光孝

寺唐蔣山太平興國禪師建太宗勅額及明而寺
貌幾毀正德元年無盡和尚禱雨龍門之山太白

龍王獻白蛇於鉢內而大雨由是寺貌復興萬厯間如清真聽重建天王殿樹鐘樓置山贖田為久遠計誠福地也

洞霄宮 大滌洞天記在縣南十八里漢元封三年

建宮壇於大滌洞前唐弘道元年本山潘先生奉

勅面南建天柱觀中宗朝賜觀莊一所後有朱法

師改北向乾寧二年錢武肅王與閭丘先生相度

山勢復改南向

錢鏐天柱觀記天柱觀在餘杭大滌洞天自漢武帝酷好神仙標顯

靈跡乃於洞口建立宮壇歷代祈禳悉在此處自大唐創業崇尚元風恢張道本弘道元年奉勅創

置天柱觀。鐫懷斯地。實邇維桑。素仰真風。備詳前事。但以此觀創置之始。未對南方。後有朱法師改。為北向。致使觀中家落難住。賢能乾寧二年。鐫因。雁覽山源。徧尋地理。觀其尊殿。全無起發之由。抗表上聞。創置殿堂。無移基址。一二年內。法主兩需。渥恩道侶。益臻常住。咸備青牛白鹿。堪眠琪樹之陰。絳節霓旌。不絕星壇之上。得非因移山勢而載。振元風者哉。合刊貞石。用證後賢。時光化三年七月十五日。記。

宋祥符五年因陳堯佐奏改洞霄宮賜仁

和縣田一十五頃并賜鐘磬法具等政和二年都監何士昭陳乞賜度牒三百道後廢紹興二十五年重建淳祐七年靈濟通真先生孫處道奏請賜

錢益市恒產規制愈崇南渡後凡宰執大臣丐閒
去位者以提舉洞霄宮繫銜咸淳甲戌冬延燎一

空洞霄宮志元至元丙子重建未完復燬甲申再

新宮宇規模視昔愈壯

黃汝亨天目游記玉皇殿
木皆用柏無塵三清殿係

郭真君結茅處已非故木方丈有晦翁提舉
洞霄宮像扁書洞天福地四字宋理宗筆也餘杭

縣志至正間兵燬明洪武初重建歷二十餘年而

後修垣鉅殿門廡室廬庖庾壇壝皆次第用完無

改舊觀矣

林逋洞霄宮詩大滌山前問華陽路暗
通風霜唐碣久草木漢祠空劍石苔花

碧丹池水氣紅幽人天柱側茅屋灑松風蘇軾洞
霄宮詩上帝高居憇世頑故留瓊館在凡間青山
九鎖不易到作者七人相對閒庭下流泉翠蛟舞
洞中飛鼠白鴉翻長松怪石宜霜鬢不用金丹苦
駐顏趙公碩洞霄宮詩舊時曾此覓仙緣一別於
今四十年白髮重來嗟老矣青山九鎖故依然肩
輿直入松間路洗耳還聽澗底泉幽
興未闌吟未就半峰斜日下平川

臨安縣

淨土禪寺 嘉靖浙江通志在縣南二里南北鄉十

國春秋吳越天寶四年武肅王捨安國縣宅基為
寺請額於梁曰光孝明因咸淳臨安志宋大中祥

符元年改今額萬厯杭州府志元末燬明洪武十

五年重建

蘇軾宿淨土寺詩雞鳴發餘杭到寺已停午參禪因未暇飽食良先務平生睡

不足急掃清風宇閉門羣動息香篆起烟縷覺來烹石泉紫筍發輕乳晚涼沐浴罷衰髮稀可數浩歌出門去暮色入村鵲微月半隱山圓荷爭瀉露相攜石橋上夜與故人語明朝入山房石鏡炯當路昔照熊虎姿今為猿鳥顧興廢何足弔萬世一仰俯

太平萬壽禪院 武林梵志在縣東靈鳳鄉唐天寶

三年欽禪師卓錫於此天祐元年吳越王建賜額

小徑山太平禪院宋天聖七年改賜今額崇寧元

年重建元至正十九年燬明洪武九年重建臨安縣志萬厯間澹居上人光復本寺久仍祀

國朝順治間僧超東重建

化城院 嘉靖臨安縣志在縣東北一里南北鄉唐武德二年賜額羅漢院在縣城內五代唐同光二年遷於縣東北以鍾尚書府地建立宋治平二年改今額元末燬明洪武六年重建二十四年立成叢林臨安縣志萬厯三十八年建藏經閣

興教院 萬歷杭州府志在縣東靈奉鄉唐天寶中

賜額興善會昌五年廢天祐元年吳越王重建宋
治平二年改賜今額元末燬明洪武元年重建

福勝院 武林梵志在縣北高陸鄉宋乾德四年建

賜額福全治平二年改今額元至正十六年燬明
洪武元年重建

國朝順治間僧行仁重建

東天目山昭明禪寺 成化杭州府志在縣西四十

五里王亮東天目山記梁昭明太子修禪處大同
間創建名昭明院僧寶誌飛錫居之嘉靖臨安縣
志元末燬明洪武二十年重建東天目志寺燬已

久臨安黃令倡緣新之左誌公堂

黃汝亨東目紀
遊內有寶誌公

像

及昭明太子
像皆朗秀絕倫

右方丈禪堂寺舊有閣閣中銅佛

千尊現金色相傳是宋元時物寺災而閣無損特

著靈異

馮夢禎昭明寺詩羣峰行不盡天半識禪
麻古木陰垂地高雲冷拂衣山僧能款客

鉢飯亦忘餓
寺詩予本幽棲人偶至昭提徑叩門風淒淒俗慮

冷然醒刻竹驚棲鳥披襟攬危磴天空澹無雲日
落烟初暝遠公托欣賞孤琴發清聽共語竟無生
燈燈了相證孫昌裔昭明寺詩靈境杳然入虛堂
落照微池留清眼水枝扶定僧衣般若心常寂分
經願不違高蹤應
仰止花雨自霏霏

國朝康熙三十七年僧獨超重修六十年重建大殿雍正十一年

勅賜

御書普照大千額

雙林院 咸淳臨安志在縣西北十五里舊名寶林

名勝志唐天成元年徑山僧景文望南山有瑞氣
遂結廬於山巔成化杭州府志大理評事俞壽捨
宅為寺臨安縣志宋治平間賜額明洪武間重建
國朝順治初僧海懷卓錫於此聿新梵剎視景文肇創
時殆為過之

紫陽宮 臨安縣志在縣西北辰隆鄉東天目山梁
大同二年建名太清宮後改天清宮宋宣和六年
賜今額相傳張紫陽修鍊於此丹井丹竈尚存

於潛縣

寂照教寺 武林梵志在縣南豐谷鄉舊名吳興唐

大中五年改今額於潛縣志明初重建後燬

國朝康熙十年僧會道王募助重建

獅子正宗禪寺 西天目志在西峰半山下獅子巖

之右成化杭州府志元至元十六年建延祐七年

賜額

趙孟頫勅建獅子正宗禪院碑天目距武林西北百餘里兩峰崢嶸雄蟠天表浙右名山咸

走其下至元己卯春高峰原妙禪師直造獅巖倚松結茅晝夜危坐明年揭石壘基以廣其廬里人

直廬洪喬祖中弟子禮且輸財力為斧斤倡又明年間風來集戶屢漸盈癸未直翁首施嘉禾田二頃易近郊腴土五十畝有奇乙酉間通殿成及丁亥僧堂庫院明樓庖涵指顧如意辛卯運使臣瞿霆發施大田不納賢山田二頃以資日用元貞乙未師知時至囑院事以甲乙相承事定入滅越十七載至大辛亥棟宇以嵐蒸霧蝕懷懷將壓上首弟子了義化緣首建僧堂明年恢拓宣明室越二年延祐甲寅更新庫院行堂大室入二年丁巳撤圓通殿為閣上崇聖像下敞法堂佛閣方丈盡餘力而併新之鱗鱗玉礎井井丹楹先侔日星勢壓雲漢後三藏法師侍天子燕閒以高峰道行及獅子正宗禪寺道場上聞天子嘉歎加增師號佛日普明廣濟禪師傳旨諭臣為文記之謹叙其事

後燬明洪武九年重建二十四年成叢林嘉靖十

四年重建大雄寶殿

蔣梁獅子禪院詩乘間來古刹筠樹拂清芬界靜塵無蹟

龍歸鉢有雲瓊花空外落天籟寂
中閒安得長吟在相期駐夕暉

國朝康熙四年大覺普濟能仁國師玉琳入山重興鼎

建復燬雍正十一年奉

勅重建

賜名禪源寺前為山門榜曰天目靈山上懸

御書扁額進內為天王殿為韋馱殿又進為行道處東

為上客堂西為雲水堂正中為大雄寶殿東為藥

師殿西為內容堂正殿後為法堂為

御書樓東為方丈更進為祖堂東為大悲閣為地藏殿
為觀音殿稍南為藏經樓為大智樓祖堂之西為
西方丈為紫堂為印寮稍南為禪堂又西為延壽
堂僧寮庫庖泡湍具備山後為大覺國師塏

謹按天目山界於臨安於潛二縣東屬臨安
西屬於潛舊志誤列正宗寺於臨安今改正

大覺正宗禪寺 成化杭州府志在縣東蓮花峰自
麓登山約十有五里松檜森羅仰不見日元至元

壬辰賜今額元末燬復建

明智寺 於潛縣志在西菩山唐天祐中建名西菩

宋改今額建炎中僧雙峰重修

秦湛西菩寺記於潛之西菩有光屬

天見菩薩像僧道志廬其下聚邑人之錢而貌佛馬跡西菩寺唐天祐中也本朝改明智土頌木壞風雨入室辨才門人雙峰與邑之富有者相率舉所有寺為之一新

資聖寺 於潛縣志在縣東南南天日舊名資福唐

光化間建宋改今額後廢

國朝康熙丁未年重建

塑春觀 杭州府志即許游觀在縣西桃源山成化
杭州府志以許邁所遊之地故名許遊宋紹興間
道士劉冲素重建

新城縣

普照院 萬厯杭州府志在縣東十五里晉天福七
年建名普光院宋治平二年改今額新城縣志中

廢明嘉靖五年知縣袁澤復興

李浙普照院詩青山遠屋藍光重流

水衝街碧蘿滋獨坐午窗
誰晤語鷓鴣聲裏竹陰移

碧沼寺

新城縣志即寧國院去縣七里武林梵志

晉郭文舉常隱於此咸和二年人為立祠禱祈必

應石晉天福八年吳越王因碧沼清徹遂題額曰

碧沼

牛仙客寧國院詩步步穿蘿入徑幽柏高松老幾人游花開花落非僧事自有清流對碧

流潘開寧國院詩五峰高插雲居勝覽景留題趣味長碧樹葉陰山骨潤白蓮花馥水心香鶴尋巢

徑松千蓋僧卧溪流石一牀閒翫不知西日落馬蹄歸去帶殘陽林杜碧沼寺詩幽谷泉聲冷鳥啼

僧定深好花叢古砌寒瀑發高岑遊者陸鴻漸居人支道林欲辭青嶂去臨去復成吟釋智圓碧沼

寺詩一到無塵境相留靜話長秋聲歸古木月色滿空廊嵐氣侵衣潤溪泉漱齒涼終期整瓶錫來

此掩
禪房

東白院 武林梵志在鷄鳴山唐羅隱宅清溪遠前

山巒環後邑人共建為東白禪院

凌誌東白院詩
題山詠水遍天

涯誰識東安是舊家半畝荒
基山寂寂夜深風雨落梅花

寶勝院 成化杭州府志在縣西七里名魚池院唐

天寶十年建相傳為放生之所內有洞通桐江昔

葛仙翁煉丹於此

武林梵志內有葛仙煉
丹井曰乳泉其白如乳

宋大中

祥符間賜今額元末燬重建

許仲蔚寶勝院詩青
雲路在天煉鼎亦徒

然九轉果何物一泓空舊泉競知丹可煮
不問骨非仙汲引殊無狀翻嗤葛稚川

寶乘寺 新城縣志在縣西十八里成化杭州府志

舊名靈遠唐上元二年建

武林梵志開山祖師名休糧

初梓州

刺史羅石朔掘地得銅像二一旦失像所在而新

城人獲之於野因建寺焉會昌中燬大中十三年

復置為聖像寺吳越王錢氏迎像入城宋大中祥

符元年改今額元末燬重建

白居易贈休糧上人詩三十餘年坐對山

只將無事化人間齋時往往
聞鐘笑一食何如不食間

昌化縣

治平寺 嘉靖浙江通志在縣治西寺後有山磅礴
為武隆支岡松竹蒼翠猶屏障然武林梵志舊名
忻平唐大中二年建開平二年改今額元末燬明
洪武十五年重建昌化縣志二十四年立成叢林
正統間僧宗仙復行修葺

國朝康熙六年知縣劉宗向題古忻平寺額

法會寺 成化杭州府志在縣南三十里舊名龍華

梁乾化五年建宋治平二年賜今額宣和中毀淳熙丙申邑人章詡重建元大德中詡裔孫傾捨田以贍香火延祐丙辰災傾之子益孫復建更拓旁地以構僧舍至正末境內寺悉燬而此寺巋然獨

存昌化縣志明洪武初僧宗圓復葺

吳珩法會寺詩地占金山

勝泉分銀漢流杉篁能護翠猿鶴似驚秋狴憶登臨晚寧辭取次遊列峰饒遠秀不惜上高樓

普濟寺 昌化縣志在龍塘山宋咸淳四年道人明

瞻治鎮南王母妃病有異術王親為落髮賜鈔買

山建寺額曰普濟賜金襴袈裟古銅鑪一瓶二及
金字蓮花經後燬

國朝順治九年知縣李之蕢延僧淨柱改建叢林

龍興寺 神州古史攷在千頃山唐元和間黃蘗禪

師居此後有楚南師乾符間來住僖宗聞其道風

賜以鹿胎裙水火珠及慈雲禪寺額昌化縣志宋

天聖初移建山巔龍潭之上明末燬

國朝順治十八年僧了然等復建

百丈寺 昌化縣志在縣西三十里舊名寶勝宋開

寶七年建熙寧元年改曰壽聖紹興時改今額明

萬厯間僧如繡等重修

上清宮 杭州府志在縣東南一里昌化縣志宋紹

興元年建明萬厯四十五年令華文甫徙建於儒

學尊經閣之東崇禎二年鄉約許承鸞捐資重建

舊址後圯承鸞子士俊復修葺之

浙江通志卷二百二十七

欽定四庫全書

浙江通志卷二百二十八

寺觀

三

嘉興府

嘉興秀水
二縣附郭

勅賜覺海寺

舊名報
忠寺

萬曆嘉興府志在府治西南一

里宋淳祐九年朝散大夫趙汝俳捨宅為報忠觀

元至正二十五年改觀為寺至正末兵燹不存明

永樂十五年僧克雋重建

國朝雍正十一年奉

勅改名覺海寺發帑重建十二年十一月

御書覺海寺扁額

天寧禪寺

名勝志在治北里許漢嚴助宅也嘉興

府志舊為施水菴唐咸通中改為院弘治嘉興府

志宋熙寧元年賜名壽聖院崇寧二年賜名天寧

寺政和六年改名天寧萬壽院紹興七年改名廣

孝院十三年改報恩光孝禪院嘉興縣志元為天

寧萬壽禪寺明洪武間定為天寧禪寺寺有漢風

閣毘盧閣寺後有嚴將軍墓嚴將軍井宋徽宗御

書屏在僧舍

李諤過施水菴詩勝地開蘭若幽尋信短筇僧貧只施水客至但聞鐘講

座天花滿香臺翠靄重何當謝塵綬白社此相從曾聚壽聖院詩一峯瀟灑背城陰碧瓦新堂地布

金花落禪衣松徑冷月臨經帙紙窗深幽棲鳥得林中樂燕坐人忘世外心應是白蓮香火社不妨

籃輦客遊尋王世貞天寧寺詩東風依步屨愛此禪房幽一雨忽秋色諸天來暝愁鳥隨托鉢下僧

逐鳴鐘求尚有車喻能同信宿留朱鼎尊駕鸞湖桴歌天寧佛閣早春開鳥語風鈴次第催怪道

迴船濕羅襪嚴將軍墓踏青來

精嚴講寺 至元嘉禾志在郡西北一百八十步晉

成帝時徐尚書熙別業因井夜發光遂奏請捨宅

為寺賜名靈光宋祥符中賜今額淳熙間重修王

呂精嚴寺記秀州精嚴寺即東晉選部尚書徐熙

所捨之宅淳熙四年直寶文閣韓公彥質以黃岡

政成聖恩優渥付以茲郡下車未幾推其治理勤

厥外護乃請於朝願以是寺改為十方有旨從之

於是籍寺所有得二萬餘緡并舉韓使君所施之

財與大衆之所施者又數千緡鳩工雇直經始於

五年春二月斷手於六年夏四月嘉興府志明洪

寺成具以本末來告爰為記之

武二十四年定為天台講寺今仍舊額寺門側二

塔相傳吳越王得佛舍利納金鐸中藏此宋時石
刻御贊尚存舊有五臺山唐寶安師築并建五臺
院寺西南有水紋觀音殿俱廢寺前有百丈溝左
有靈光井劉長卿秋夜雨中過靈光寺詩語青蓮舍重門閉夕陰向人寒燭靜帶雨夜
鐘深流水從他事孤雲任此心不能捐斗粟終日媿瑤琴

祥符禪寺

弘治嘉興府志在郡治西北二里東晉

興寧間詔剡山法師竺潛講般若經於禁中還止
檇李魏公家因捨宅為精舍梁普通中盛行水陸

法事號水陸院唐會昌五年廢大中元年復立宋
大中祥符元年賜名祥符院舊嘉興府志建炎間
燬紹興五年重建舊為律寺守臣林衡奏請為禪
院明洪武二十四年定今額

水西禪寺 明一統志在府治西北二里舊名資聖
院嘉興府志唐會昌中黃檗師開山即廢大中元
年復立宋建炎兵燹紹興中重建明洪武辛未定
今額

金明教寺 萬歷嘉興府志在郡治西南二里宋開

禧元年賜額時有異僧壽萬王者以醫名史彌遠
有疾王為療之獲愈厚施不受以建梵宇為請史
乃購地於此明洪武二十四年定為教寺有湖天
海月閣閣下有范蠡湖萬歷十年郡守龔勉於閣

前復剏一軒曰憑虛攬勝軒

高道素訪秋潭舷公
金明寺詩春城細水

流古寺到門幽卧柳沙邊渡夕陽江上樓翻經雙
樹眠放鶴五湖秋黃葉新吟好清音擬惠休朱國
祚金明寺訪秋潭上人詩不遠金明寺支公舊法
堂鵲夷范蠡宅程史岳珂坊過雨花盈砌抽梢竹

覆牆由來方外
社主客意都忘

楞嚴寺 名勝志在治西北二里三十步地勢爽塏
林木蓊鬱石橋流水似不與入境接至元嘉禾志
宋嘉祐八年百姓鈕咸有地在慈恩塔東因捨入
本院後僧永和在院講楞嚴經蔡丞相書楞嚴牌
揭之門遂以為名嘉興府志元末兵燬明洪武初
重建嘉靖中廢萬歷中復建神宗母后勅建禪堂
及天王殿遣內臣齋賜藏經五千卷及護藏紫衣

觀音

項忠樛嚴寺重建佛殿記宣德甲寅住持道冀建殿宇新佛像纖冀有淨蕙蕙所度弟子

曰知覺補席以來慨然以興復為已任罄捐已索
兼哀衆施市材僦工權輿於成化辛丑開二寒暑
克底於成規制宏敞視舊有加髹雕藻繪燦霞煥
日法相莊嚴金碧晃耀花香供具備完無缺覺求
記於予以垂不朽予謂覺
之功有足書者庸記之

國朝康熙四十四年

御賜藏海慈波額

崇道宮

嘉興府志郡治西南二里吳越武肅王建

初在南城外後移入城古萬壽宮基舊名崇福宮

宋治平中賜額俗呼為南宮萬厯嘉興府志宮內
有一枝堂每大比士人取一枝之識多會於此

洞真道院 萬厯嘉興府志在郡治西南二里元至
正癸卯道士趙樗軒勅嘉興府志明洪武庚戌禱
雨有驗建聽雨軒永樂癸未重修

隱真道院 弘治嘉興府志在府治東南六十步宋
宗寧間建或謂紹興初呂純陽劉高尚二仙常至
此故名隱真劉高尚夜宿院中晨起援筆題四十

三字於柱間筆畫透柱如點漆郡人有疾者刮其
字煎飲之即愈

國朝雍正六年嘉興府知府閻堯熙於觀南倚城培址
建閣三層中奉文昌神并祀魁星於其上

嘉興縣

城外
寺觀

東塔講寺 名勝志在治東郭外漢朱買臣故宅梁
天監中建寺嘉興府志隋仁壽年置塔塔前二池
分青白色唐廣德中賜報國禪院額宋初為泗州

大聖塔院至元嘉禾志政和六年因在城壽聖教
院改為天寧萬壽寺郡聞於朝以壽聖教院名就
塔院立之紹興三十二年改名東塔廣福教院嘉
興縣志歲久塔圯僅存二級淳熙中僧清雅重建
寧宗召講華嚴經賜紫衣號寂照御書華嚴經閣
雷音海印二堂名賜之元燬明洪武重建定為東

塔講寺

王英重修東塔寺記元中猷法師別號復閣永樂庚子主嘉禾東塔華嚴講寺寺因

兵燹殿宇傾廢法師至憮然有感遂捐衣鉢之贏及募諸施者簡材鳩工難榛汰礫棟接費連深嚴

弘邃髣彫黜堂金輝碧映儼若竺乾鷺嶺之勢工
興於是年秋訖於宣德戊申冬王士祿晚過東塔
寺詩蘭若蕭梁古風流想六朝化城圍綠水孤塔
上青霄珠閣浮林影金園絕市囂依幃看剎近緣
響起鐘逢樹偃時遮磴途紆屢過橋到門苔滑滑
入寺竹脩脩古碣何年失塵襟此際消皺痕廻側
柏暮色隱甘蕉長史遺墳在諸天法界標跨虹通
石徑對砌敞松寮居士才還辨頭陀偈定超禪燈
龍象黯佛日鼓魚銷洗鉢誠徵尚長齋況久要劫
波巾擬解屈胸服思邀便好從初地相依結一瓢
滄洲仍有役白社欲無聊怖鵠棲將穩檣烏待尚
逢前期須歲月客意嚮風颭支許應非忝宗雷倘
見招徘徊未能
去仙梵晚蕭蕭

漏澤教寺 至元嘉禾志漏澤院在縣東二里三十

步宋崇寧三年陳舜俞孫捨宅為之嘉興府志明
洪武辛未定為教寺嘉靖甲寅寺廢萬歷中僧道
梅建金湯室天啓中僧大賢建彌陀殿

國朝順治間重建天王殿大殿禪堂東西方丈

白蓮講寺 萬歷嘉興府志縣東八里舊名接待院
後廢為趙倅雋之錦莊宋紹興二年重建明洪武
初定為講寺嘉興府志永樂元年僧宗鏡修建天
啓中邑令湯齊改名白蓮

智覺教寺 至元嘉禾志在縣南二十六里舊為營
田都務宋開寶八年立為梵剎咸平六年賜太平
天壽院治平元年改今名萬厯嘉興府志明洪武
初為禪寺二十四年併歸資聖禪寺永樂元年里
人張福信重建

淨土教寺 至元嘉禾志在縣東三十六里本邑人
陸求宅清泰元年捨為安福寺宋祥符元年賜今
名內有亭名碧鮮多奇竹嘉興縣志明弘治十年

建觀音殿

聞人安道碧鮮亭詩植竹敞虛亭清幽

主人賢堅如筠箭美願師持此心與境常無媿陳
賢良碧鮮亭詩瀟灑闌干碧玉叢昔來游賞是兒
童縈廻修竹探繁影刻畫新詩遠翠筒十載雪霜
林色改幾番風月酒尊空子猷老去心長在終擬

為隣作
醉翁

石佛教寺

嘉興府圖記在縣東南二十七里唐至

德初除基獲四石佛因砌石佛院萬厯嘉興府志

宋天聖元年賜名保聖院明洪武十五年定為教

寺寺多奇石遊者甚衆

靈源寺 嘉興府志補在縣南二十六里元至正二年翰林學士王昌源捨宅建元末兵燬明洪武七年重建

圓通教寺 萬厯嘉興府志在治東三十六里舊有廢址周顯德五年居民茅承翰申漢南王乞於舊址立寧國寺宋治平元年改圓通寺明洪武二十四年定為教寺寺有銀杏二株歷唐宋至今

先福寺 至元嘉禾志在縣東一十八里唐乾元間

初會昌間廢咸通六年復立九年改為先福院萬
厯嘉興府志元末兵燹明正統三年僧道澄重建
興善教寺 嘉興府志在縣東南三十里梁天監二
年置周顯德五年改報恩院宋治平元年改興善
院舊有舍利雙塔明洪武二十四年定為教寺景
泰天順間增建殿閣萬厯間修

鬱秀觀 弘治嘉興府志在縣東二里宋咸淳三年
道士劉一清建元至正二十七年燬明洪熙初道

士沈野雲仍舊額徙建白紵里

玉樞道院 嘉興府志縣東北二里俗呼天尊閣元至正己酉里人楊道貞捨宅建明永樂元年重建嘉靖甲子殿燬萬歷丙子再修

太古道院 弘治嘉興府志在縣東北三里元至正間道士魯遠一初建明洪武二十四年併歸元妙觀永樂元年重建

秀水縣

城外寺觀

真如教寺 至元嘉禾志在縣南四里唐至德二年

立大中十年裴相休捨宅為至德院宋大中祥符

元年改今名慶元三年建寶塔於其北

司馬光真如教院法

堂記壬申歲夏四月有僧清辨踵門來告曰清辨秀州真如草堂僧也真如故有講堂卑狹不足以休學者清辨與同術惠宗治而新之今高顯矣願得子之文刻諸石以諗來者光辭不獲乃言曰師之為是堂也其志何如曰清辨之為是堂也屬堂中之人而告之曰二三子苟能究明吾佛之書為人講解者吾且南嚮坐而師之審或不能則將取於四方之能者皆伏謝不能然後相率抵精嚴寺迎沙門道歡而師之又屬其徒而告之曰凡我二三子肇自今以及於後相與協力同志堂圯則扶

之師闕則補之以至於金石可弊山淵可平而講肄之聲不可絕也光曰師之志則美矣抑光雖不習佛書亦嘗剽聞佛之為人矣夫佛蓋西域之聖者其為人也清儉而寡欲慈惠而愛物故服敝補之衣食蔬糲之食山居野處斥妻屏子所以自奉甚約不憚煩人也雖草木蟲魚不敢殺蓋欲於物並生而不相害也凡此之道皆以涓潔其身不為物累後世之為佛書者日遠而日詭莫不侈大其師之言而附益之以淫怪誣妄之辭以駭俗人而取世資厚自封殖不知厭極故一衣之費或百金不若綺紈之為愈也一飯之直或萬錢不若膾炙之為省也高堂巨室以自奉養佛之志豈如是哉師之為是堂將以明佛之道也是必深思於本原而勿放蕩於末流則治斯堂之為益也豈其細哉

萬厯秀水縣志元末廢明洪武二十四年修復定

為教寺寺內舊有雪峰井綵雲橋東坡煮雪亭裴
丞相清暉堂長水塔柏屏龍槐纓絡松號八景秀
水縣志萬厯丙戌僧真謐建長水法堂天啓乙丑

僧道耕重建禪堂守詹應鵬扁曰水雲

張堯同真如寺詩家

土輕脫屣聊結淨人緣影外香燈寂清風百世傳
沈鉉真如寺雨霽詩祇園雨瑤花窰堵削寒玉崢
嶸聳層霄皓彩炫晴旭幻
境孰非真忻然寄遊矚

國朝順治乙酉塔燬己亥僧明句重建

景德禪寺

名勝志在縣西南四里舊焚化院宋名

景德寺寺下有白龍潭天日晴霽忽睹白光三道
起自潭中僧行雲者積土填潭於光起處各造一
塔因名三塔灣亦名三塔寺萬厯秀水縣志元至

正間雲海寬公大構殿宇廊廡及諸佛像

黃潛景德寺碑

記嘉興郡治距西四里為景德寺按寺籍記載其
初蓋白龍潭深險莫測往往風雨壞帆檣晴則有
白光三道起水上唐季異僧雲行者日運土石以
實潭遂建三塔以鎮之水至是廻抱灣環為大道
場乃構棟宇祠佛菩薩而以龍護法焉當五季吳
越錢氏有國時賜名保安禪院宋景德中勅天下
郡縣為景德寺故易今額嘉定九年早邑人禱於
龍得雨爵龍為靈澤而祠曰順濟符牒具在建元

至元中古禪性公奉璽書褒護後至元年雲海寬
公來主是席既泣事睹殿宇敝壞將圖更作遂議
於衆給以寺租助以衆施乃大構焉經始於至正
五年之十月落成於明年之九月衆謂是役不易
非有記述後嗣奚稽明洪武十五年定為禪寺秀
遂書諸石以垂不朽

水縣志萬歷辛卯僧通理修觀音殿壘石高數丈

鑿蓮千朶名千花臺花樣無雷同者

牛諒西郭憩
景德寺分韻

詩靈湫闕馴龍古殿敞金粟僧歸林下定雲傍檐
端宿伊余陪雅集於此避炎酷暑息陰晤道性習靜
外榮辱坐石飛清觴堪歎白日速別去將何如留
詩滿青竹徐一夔景德寺分韻詩野曠天愈豁川
平路如斷不知何朝寺突兀古河岸潭埋白氣沒
林密翠霏亂勝地故瀟灑七月流將半合并信難

得通塞奚足算廣文厭官舍亦此事蕭散風樵爵
屢行蘿磴席頻換但覺清嘯發寧顧白日肝吾欲
記茲遊掃壁勞弱翰顧瑛夜宿三塔寺詩水落南
湖不露沙又牽舫子到僧家春浮大斗娟娟酒寒
隔虛樯薄薄紗半夜檐鈴傳梵語一林江月照梅
花坐來詩句生枯吻指點銀瓶索煮茶王守仁送
芳上人歸三塔寺詩秀水城西久閉關偶然飛錫
出塵寰調心亦復聊同俗習定由來不在山秋晚
菱歌湖水闊月明清磬塔牕間
崑盧好是嵩山笠天際仍隨日影還

本覺禪寺 弘治嘉興府志在縣西二十七里即春

秋時橋李之地舊名報本禪院萬厯秀水縣志宋

熙寧間東坡與文長老善嘗三過此輒留詩
蘇軾過本

覺文長老方丈詩萬里家山一夢中吳音漸已變
兒童每逢蜀叟談終日便覺蛾眉翠掃空師已忘
言真有道我除搜句百無功明年採藥天台去更
欲題詩滿浙東蘇軾夜至永樂文長老院文時卧
病退院詩愁間巴叟卧荒村來打三更月下門往
事過年如昨日此身未死得重論老非懷土情相
得病不開堂道益尊惟有孤棲舊時鶴舉頭見客
似長言蘇軾過永樂文長老已卒詩初驚鶴瘦不
可識漸作雲歸無處尋三過門間老病死一彈指
頃去來今存亡見慣渾無淚鄉曲難忘尚有心想
向錢塘弔圓澤葛宣和間改為神霄玉清萬壽宮
翁川畔待秋深

建炎初復舊額嘉定間僧元澄作三過堂樹石勒
蘇詩淳祐間守臣趙與峕請為本覺禪院明洪武

初定為禪寺秀水縣志宣德壬子僧志嵩立山門

扁曰萬壽山左右起二石塔萬歷甲申守龔勉葺

三過堂祀蘇公

王希呂本覺寺三過堂詩門外驚風吹細沙入門水氣湛清華呼童

試向林間看巖桂應開第二花

勅賜香嚴寺 舊名懶石菴在縣北五里

國朝康熙四十四年改今名

能仁教寺 至元嘉禾志在縣治西北二十七里舊

名福業院唐會昌五年廢大中二年給元額五代

石晉開運二年改為報國院宋大中祥符元年改
承天院宣和七年改今名嘉興府志明洪武二十
四年定為教寺內有陸宣公祠或云寺為宣公故
宅沈思孝夏日過能仁寺詩精舍石橋東停舟訪
遠公諸天初見月大地旋生風香乞紅蓮裏涼
歸綠竹中更憐功
德水能洗俗塵空

勅賜香海寺

舊名福善寺

萬厯嘉興府志在治西三十五

里濮院鎮元至正二年濮鑑捨宅為寺僧志浩開

山

國朝雍正三年

勅建大殿改今名

保安講寺 秀水縣志在縣西北五十里舊為通聖

蘭若東晉卜本常捨地雪巢禪師勅建梁時賜額

保安

陸贄保安禪院記聖皇御極深憫閭黎一教之湮微常侍宣恩大復會昌五年之釐革靈

山勝境

煥綸綽以增嚴宿德老師遵憲章而還住燈幢法界溫電妖氛唯鼎屬之有文龔鯨鯢之無

噬汴茲禪院肇古叢林踣駐魏雄鰲柱尚銘乎通

聖法崇蕭帝龍章賜額乎保安浙地蟠靈祇園迓

秀頃薦雁乎刳運條幸轉乎慈風握天心以印人

心假佛力而鳩凡力矗宇繚垣軒睇視乎三千法

界考鐘擊鼓譟祀頌於億萬丕基爭知赤手成家
驀見黃金布地千燈續耀四象據誠跣坐迎叅蒼
蒿花都生心上登龕打坐須彌山只在眉端憩佛
蔭而福德難量舞皇風而涓埃莫報用資琬琰永
作砧
宋乾道七年僧普誠重修請額升為講寺元

末圯斷碑尚存明洪武初仍舊額天順六年重建

碧光禪院 秀水縣志縣南三里宋嘉祐七年勅建

為崇慧華嚴講寺下院明萬厯秋水法師開堂拓
基接衆稱名藍焉後有金魚池蓄魚甚衆

雨金嶽宮 萬厯秀水縣志去縣治三十里新城鎮

唐景雲二年里翁嵐建明年秋異香滿庭天雨
金沙為修剏費

嘉善縣

慈雲寺 名勝志在治西北唐大中間剏名保安寺
宋改今額萬歷嘉興府志元末燬止存甃塔二座
明洪武初定為教寺二十四年併歸大聖寺永樂
元年仍建嘉善縣志宣德間增修萬歷三年燬崇
禎四年曹勛延僧海藏住持重建

國朝康熙十一年僧浪亭興建叢林改教寺為禪寺

景德講寺 嘉興府志在縣東二里唐天寶二年鑑

禪師建咸通間賜額明洪武二十四年定為講寺

西有井曰幽瀾泉寺有八景泉其一也萬厯嘉善

縣志嘉靖中圯僧世奇稍為修復嘉善縣志崇禎

間僧性賢增建藥師堂白衣大士堂

國朝康熙八年僧寂定復建佛堂

大勝寺 嘉靖浙江通志在縣東二里宋熙寧中建

弘治嘉興府志崇寧二年改大勝院淳熙十四年僧清梵建浮屠七級明洪武二十四年定為教寺正統間住持宗勝請為講寺嘉善縣志萬歷間僧法本勅禪堂徙塔於堂後崇禎間錢士晉捐金建藏經閣請南藏全部貯其中

白蓮教寺 萬歷嘉善縣志在縣治東北宋咸淳二年有僧德山趺坐三日地出白蓮三莖衆異之共建寺故名萬歷嘉興府志元末燬明洪武初僧大

通重建二十四年定為教寺

大雲寺 弘治嘉興府志在治南二十里舊名淨衆
至元嘉禾志宋乾德二年百姓李德榮捨宅為寺

嘉興府志明永樂元年重建嘉靖間建禪堂淨室

陳顥大雲寺詩日暮尋幽到竹深竹烟暗鎖寺門
陰苔荒路絕行人跡月出潭空靜者心清供一盂
香積飯閒情半榻白雲衾留詩
已與青山約莫厭頻來訪道林

勅賜性覺寺 嘉善縣志舊名圓明菴下保西區水字

圩

國朝康熙四十四年改今名

雁塔禪院 萬厯嘉善縣志在縣治西北二十里元

至正甲辰年剏後圯明永樂間僧得弘復建

玉虛道院 嘉靖浙江通志在縣治西元至正中建

嘉善縣志明洪武間賜今額

洞虛道院 萬厯嘉善縣志在縣治西南半里許宋

季為官酒庫厥後禁酤棄瓶盎積成土阜元至正

癸卯剏道院號瓶山明宣德四年重建

寧和道院 弘治嘉興府志在縣治西一百步宋咸

淳間建後廢明宣德五年道士李以寧重建

神仙宮 萬歷嘉善縣志在縣治東關外二里許唐

開耀間初垂拱間勅賜今額宋治平間兵燹元至

正間重建明洪武初道士王宗元領劄住持永樂

間廢道士安里重修

袁仁神仙宮看竹詩仙家有地只種竹多少清風激懦夫

滿院綠陰餘晚節
桃花應合笑玄都

海鹽縣

資聖寺 至元嘉禾志在縣西五十步本普明院晉

右將軍戴威之宅一日井中發五色光威遂捨宅

為寺名光興寺事見吳郡陸崧塔記唐乾祐中改

重光宋祥符中改普明天禧二年改今額嘉興府

志寺舊有塔極高峻被灾廢明初定為教寺

王守仁寓

資聖僧房詩落日平隄海氣黃短亭衰柳艤孤航

魚蝦入市乘潮晚鼓角吹城返棹忙人世道緣逢

郡博客途歸夢借僧房一年幾度頻留此他日重

來是故鄉張岐資聖寺重光井詩石井荒涼古寺

邊偶因鑿翠得甘泉斷碑剝

落埋衰草猶記將軍捨宅年

天寧永祚禪寺

海鹽縣圖經在縣治西三里初名

禪悅院宋崇寧四年賜今額淳熙己酉僧長溪初

建佛殿山門寶塔嘉定二年永模建圓通殿明洪

武初梵琦重建佛閣法堂并塔七級

陳善天寧雁塔詩永祚招

提建海濱浮屠七級倚晴雲危梯曲遶龍蛇窟絕頂高棲鶴鵲羣金鐸遙聞鳴斷續天花曾見落繽紛

紛題名未躡慈恩上閒倚闌干對夕曛祝祺海鹽天寧寺詩歸人征路晚雲裏問僧家獨樹臨秋水

孤城上暮鴉山池芳草沒疎磬夕陽斜獨坐談經處天風送落花

福業院

至元嘉禾志在縣西南二里本華嚴菴宋

紹興五年改今額

常棣福業院碑記海鹽縣真社之南去廛市遠岡阜綿延林垌

蕃鬱地據夾塏有佛廬曰福業教院釋氏所謂觀世音大士道場也故號華嚴菴紹興五年僧善字開山住持請令額縣之旱潦則禱於斯疾癘則禱於斯合妃繼似則禱於斯揭虔妥靈咸若有答靡合猥附俯偃旅拜日數十百人燭炬香篆繼晷連明珠幡寶幢繽紛沓襲初院有道法師者膜拜像前倏獲舍利七粒神光陸離觀者堵集院沿菴舊住持淨堪及哲公常再鳩工締造視他精舍具體而微寶慶丁亥震風凌雨板檻楹梁既朽既拜級塼覆瓦既圯既壞智光主剎念欲經營而乃力勿瞻前大夫丘公來蒞事甫三日至院歛顧瞻爰畀院南漏澤園故地俾種蒔以斂其入院故有田若地白臺府蠲其稅賦率僚佐邑民捐金施予大殿門廡齋堂庖湍輪乎其乎不愆於素役始紹

定元年七月迄弘治嘉興府志元末燬洪武二年
端午三年六月

僧應善重建

鹿苑寺

萬厯嘉興府志在治西北三十五里舊名

金明寺宋景德中魯肅簡公請為禪刹治平元年

改賜今額海鹽縣圖經寺有一擊軒及應夢羅漢

祠後廢明天順間僧惠正復於故址葺殿三楹餘

址悉沒民間錢太常為贖還之萬厯四十年太常

子端暉孫陞捨田十六畝移建於舊址西南以僧

正念住持正念亦罄瓶鉢以濟克復舊觀焉

淨業寺

至元嘉禾志在縣西南一里本無礙浴院

宋治平元年改今名海鹽縣圖經元延祐間僧原

照重建殿宇廊廡明弘治元年祖昶重修葺之

金粟寺

海鹽縣圖經縣西南金粟山下吳赤烏中

建宋濂集云當吳之時佛法雖至中國大江以南

尚無佛寺赤烏中康居沙門僧會為吳大帝祈獲

釋迦文佛真身舍利始創三寺一為金陵之保寧

一為太平之萬壽其一即海鹽之金粟也漱水志
錢武肅王賜號施茶院宋祥符元年改為廣福禪
院嘉興府志明永樂宣德正統間相繼修建萬歷

中邑人蔡聯璧請密雲禪師重建

司空曙送準上人歸金粟寺詩

昨聞歸舊寺暫別欲成年樵客應同出鄰僧寂伴
禪後峰秋有雪遠澗夜鳴泉豈藉公卿論人間事
共傳張寧金粟寺詩金粟名山碧海邊上方樓閣
近諸天人推轉藏聞清梵自洗殘碑認往年南度
龍章千古在西來象法一燈懸登臨不見懷人處
回首孤雲思惘然徐黃游金粟寺詩暫息人間事
尋幽到上方白雲分石磴落日照山房松暝鐘
聲遠林回蔓草長老僧能愛客具衲漫焚香

國朝康熙五年重修山門雍正五年

欽命文覺禪師賁奉

御書對聯敬懸方丈

不佛求不法求不僧伽求早已過去

無我相無人相無衆生相却是未來

法喜寺 吳地記在縣西南三十里舊名通元寺吳

大帝孫權吳夫人捨宅置唐載初元年改為重雲

寺萬厯嘉興府志宋祥符元年改法喜寺紹興九

年改禪寺嘉興府志明嘉靖中重修

禪悅教院 澉水志在澉浦市中宋元祐二年僧惠

林建名施水院建炎元年請院額實本鎮祝聖行

香處海鹽縣圖經明洪武三年僧善良建殿宇方

丈庫堂寺有神鐘勝國時宣慰楊梓用海外銅五

千四百八十觔範鑄建六丈樓懸之聲聞數十里

海門寺 弘治海鹽縣志在縣西南澉浦城中宋寶

祐間僧永固開山名祐福菴海鹽縣圖經元大德

六年中峰於此說法重建殿宇明洪武十六年重建大悲閣宣德十年僧宗福請今額

覺林寺

萬厯嘉興府志在縣南豐山元至正甲午

僧梵琦開山明洪武初僧敬中等增建殿閣法堂

宣德中僧如性增置一新海鹽縣圖經天順二年

請今額

呂原覺林寺碑記海鹽之南可二十里有豐山焉秦駐屏於左秦溪帶於右地最幽

勝元至正甲午歲浮圖楚石琦公過而愛之因剏菴於山麓洪武初繼席用愚哲公經營綜理增其規制宣德中住持虛席而菴之庶隅摧毀圖像廢墜者過半衆以靈隱書記如性覺軒行端望隆薦

覺軒蒞事毅然以興修為已任乃哀衆施益以已
索市材諏日召匠僦傭首成大佛寶殿次建山門
樹法堂崇佛閣及新藏殿夾廡庫庾齋庖湏園靡
不以次就緒而佛菩薩阿羅漢以至護法天王之
儀設皆雕塑藻繪如式安奉又鑄大鐘構樓懸焉
與凡供佛飯僧儀物器用無一不備以宣德甲寅
二月興役至天順戊寅十月工成規制大備輪奐
一新爰請於朝賜額覺林禪寺實天順二年三月
二十有三日有

悟空寺

漱水志在荆山宋建隆二年僧德升開山

為永安寺治平元年賜額嘉興府志明初定為教

寺

紫虛道院 嘉靖浙江通志在縣治西南元至正中

建嘉興府志明洪武十年增置元壇武安二祠於
院設道會司嘉靖間增修前後殿宇海鹽縣圖經
萬歷四十三年修葺大殿明樓

醫靈道院 弘治海鹽縣志在縣南澉浦城東宋開
禧間邑人孟毅建

棲真觀 海鹽縣圖經在縣西北五十步舊本真武
廟宋乾道二年道士郭宗諒改為棲真院明萬歷

壬辰道士徐月汀撤而新之視舊制特為宏麗

石門縣

廣法寺 正德崇德志在縣治東北三百步至元嘉
禾志唐咸通九年建名修證宋治平元年改今額
石門縣志宋建炎火寺獨存明萬厯間燬僧圓神
祖梅重建

崇福寺 至元嘉禾志在縣西八十步梁天監二年
建名常樂寺唐會昌年廢大中十年重立宋大中

祥符二年改為悟空院天禧二年改今名建炎燬
後重立萬厯崇德縣志明洪武末併入普慈寺永
樂初重建前殿額為趙子昂書東西列七級浮屠
南廣福寺 弘治嘉興府志在縣東南二百步運河
之東本梁朝天監古寺梁開平二年置名寶壽宋
治平元年改聖壽紹興三十二年改今名石門縣
志寺左有進龍港久淤明萬厯間重開

福巖禪院 至元嘉禾志在縣東北十二里唐乾符

三年置名千乘院宋大中祥符元年改今名徽宗
在潛邸時陳太后病目真覺禪師咒水治療有功
乞住此山所賜有金環磨衲袈裟一條又師有草
菴歌黃山谷為之書皆藏在院

國朝順治丁酉重刱

崇勝寺 至元嘉禾志在縣東南三里石晉開運二年
吳越陪臣徐頴捨宅為之名法華宋治平元年賜
今名

祇園寺 嘉興府圖記在治西北洲錢村梁天監中

初周廣順三年改大善寺宋大中祥符改今名石
門縣志明嘉靖中廢萬歷間重建嘉靖浙江通志
寺中有檜樹相傳梁時所植

證聖院 至元嘉禾志在縣北錢林村吳越錢王鏐
徵時有舊館於此後貴改為祖祠已而道弘師菴
於祠側王聞其道行孤高乾寧二年建寺居之名
曰寶林宋大中祥符元年改今名

資福禪院 石門縣志在西門外二百步宋嘉祐四

年創建元至元二年改為普門菴明永樂間復今

名至元嘉禾志西廡有軒瞰流扁曰平綠陳炳題資福院

平綠軒詩水屋圍春綠雲岑送曉青無心向朝市
信步到禪扃野意連天遠疎鐘隔岸聽杯行莫辭

醉簷月笑人醒曾揆資福寺平綠軒詩終日勞
雁驚行偶然來訪贊公房扶疎草木四圍合縈遶
溪流一帶長倚檻豈能成傑句把杯多是說
名方問師乞取安心法老坐蒲團對佛香

天清宮 正德崇德志在縣西南一百步原東嶽行

宮宋政和中建紹定四年改今額元末燬石門縣

志明永樂中重建嘉靖中廢崇禎辛未改建於崇

義橋河東

陸宗學遊天清宮詩青鳥曾傳海外書瀛洲消息近何如燒丹既悟神仙訣避

地何妨水竹居石子種來都化玉藥苗分出半登蔬天壇月冷秋如水夜夜吟風起步虛

平湖縣

勅賜棲心寺 舊名化城菴在東湖弄珠樓之東明弘

治間為邑令羅公生祠後移祠入城遂改為寺未

幾漸圯住持是岍重構築隄植柳大勝舊觀

國朝康熙四十二年

聖祖仁皇帝南巡弘覺禪師法裔元璟謁

駕金山

特賜棲心寺額雍正乙巳增修殿宇

德藏教寺 嘉興府志在治東八十步閤窗括異志

本寶興寺唐會昌元年置光啓初廢後唐清泰中

鄉民邱邵即故基新之宋大中祥符間改今名寺

有雨花亭並水陸齋壇

樂郊私語寺雖
瀕市深靜可憩

平湖縣志

元至正十六年燬明初定為教寺宣德間立僧會

司嘉靖末陸光祖構藏經閣於寺後貯大藏經一

部

福源普慧禪寺 天啓平湖縣志在縣治南一里元

皇慶元年僧平山建石屋禪師住持明嘉靖三十

二年改為兵備司報功祠等所乃移建於二十三

都圓珠圩

徐階遷福源普慧寺記平湖縣二十都其地在唐長慶間有佛寺三

右大乘左善慶三寺比肩並峙而福源最大其遺址尚在今猶號福源塘宋季廢前元盛時有富室張氏改建福源寺於當湖里石屋琪大師常為住持道重宇內寺益有名元末又廢三十年僧大

才初構法堂至洪武二十五年續并諸小菴復成
寺賜舊額焉永樂間僧維賢大而新之翰林學士
陳公循為之記嘉靖甲寅倭犯平湖重兵屯守總
督巡撫上官絡繹蒞縣縣故僻隘無所容有議設
備兵憲司縣大夫倉卒應命遂毀寺為兵備署而
寺復廢云然福源湖唐千禩屢廢屢興地三易而
故額無改類有神聖冥護烏可泯也故比部贈大
理卿胥峰陸公暨伯子司空五臺公叔子故學憲
湛菴公季子鄉進士雲臺君共愴斯事矢圖興復
而二十三都舊第之東南眾水所潞積沙成洲其
圉如壁廣圍畝許夜常有光燭天固不耕之地也
進士君統洲增築拓為七畝請於官復建寺於洲
之上首建浮屠七級藏石刻法華於中大理公父
子既竭家資聚財鳩匠乃迎名釋法霄與其徒戒
先來主寺事募緣佐工凡殿堂門廡齋厨禪室以
次告完罔勿堅好里中太學陳生等咸德陸公又

助貲以起佛閣經始於隆慶二年二月畢工於
萬歷七年十二月視昔當湖之舊加壯麗焉 平

湖縣志今名圓通寺寺有浮屠七級又有井名福

源泉水旱不竭

國朝康熙八年住持如海重修

青蓮教寺 弘治嘉興府志在縣西南二十里舊名

石佛寺唐咸亨中立宋治平間改青蓮寺明洪武

初定為教寺

李天植遊青蓮寺詩香剎從來古春
風客到稀溪光平入座竹色冷侵衣

地僻鳥無語林深花自飛
相過逢勝侶並坐話清機

福臻寺 平湖縣志在北門外四里宋紹興六年僧
弘宣建名福臻院天啓平湖縣志元末燬明洪武
初定為教寺住持琦楚石建復廢萬厯二十三年
陸基誠重修

普照教寺 天啓平湖縣志在廣陳鎮為來寺至元
嘉禾志舊名僧伽院宋治平元年改普照院嘉興
府志明洪武初定為教寺

萬壽教寺 天啓平湖縣志在廣陳鎮為西寺至元

嘉禾志本保國勝利院宋大中祥符元年改萬壽院嘉興府志明洪武初定為教寺

報本塔院 天啓平湖縣志在當湖沙盆圩前有五老峰層巒挺秀蒼翠欲滴後有放魚磯清水一泓平湖縣志明嘉靖間邑人陸杲建

國朝順治十六年塔圯舉人馮洪生員林喬等捐金重建歷久未成翰林陸棻設法勸輸項成共合頓復舊觀

佑聖宮 萬曆嘉興府志在治西梯雲橋北宋景定間道士陳道正創建明宣德五年設道會司

松塵道院 在北關外里許

國朝順治間建榜曰松濤洞天康熙乙巳復建斗閣

桐鄉縣

惠雲教寺 弘治嘉興府志在治西北一百五十步

至元嘉禾志周廣順二年漢南王建名鳳鳴院宋治平中改今名桐鄉縣志元末燬明洪武初重建

雙塔設僧會司

劉湘遊鳳鳴寺詩烟村背郭人家遠松壑蘿厓獨自登門外泊船秋

水寺溪頭洗鉢夕陽僧買山有意逢支遁入社無詩繼薛能啼鳥催人歸去晚疎林落葉漏寒燈

廣福講寺 至元嘉禾志在縣西北青鎮宋慶歷二

年建為多寶佛塔至和中改為接待院熙寧元年

改壽聖塔院紹興壬子改今名參政陳簡齋舊肆

業於院既貴建閣以讀書名之後燬不存桐鄉縣

志明洪武二十四年定為今額

國朝康熙十年重修

寂照教寺

萬厯嘉興府志在千金鄉屠甸村晉天

福八年建名報恩院宋治平間改寂照院明洪武

二十四年定為教寺桐鄉縣志萬厯間重修

龍翔教寺

桐鄉縣志在阜林北二里本淮海王祖

祠置為龍翔寺宋祥符元年改為寧國院明洪武

二十四年重建為今額

密印教寺

至元嘉禾志在縣西北青鎮梁朝置名


興德寺宋大中祥符改今名寺有華嚴浮屠高十

三丈昔有士子十人忽來寺中願書經既畢不告而去筆法皆一體桐鄉縣志明天啓初僧棲雲求名人手書華嚴經題額曰華嚴寶藏

普慈教寺 萬厯嘉興府志在石門鎮北宋咸平四年建明洪武二十四年定為教寺桐鄉縣志萬厯年修

福清道院 嘉興府志在濮院鎮元至正丙午里人狄守真勅建請額為院明洪武二十四年復建

崇福宮 弘治嘉興府志在青鎮南柵宋紹興二十九年勅請額為崇福宮明洪武二十四年併歸天
清宮永樂元年仍建



浙江通志卷二百二十八